



სსიპ საქართველოს მუნიციპალური განვითარების ფონდი
სხვადასხვა კარტრიჯების სახელმწიფო შესყიდვის ელექტრონული ტენდერის სატენდერო კომისიის
სხდომის ოქმი N1

სატენდერო კომისიის შემადგენლობა:

ლევან შარვაძე - სატენდერო კომისიის თავმჯდომარე, სსიპ საქართველოს მუნიციპალური განვითარების ფონდის აღმასრულებელი დირექტორის მოადგილე, CFO.

ირაკლი ფარესიშვილი - სატენდერო კომისიის თავმჯდომარის მოადგილე, სსიპ საქართველოს მუნიციპალური განვითარების ფონდის შესყიდვების დეპარტამენტის უფროსი.

დავით ტაბიძე - სატენდერო კომისიის წევრი, სსიპ საქართველოს მუნიციპალური განვითარების ფონდის აღმასრულებელი დირექტორი.

ზურაბ კოტორაშვილი - სატენდერო კომისიის წევრი, სსიპ საქართველოს მუნიციპალური განვითარების ფონდის ადმინისტრაციული დეპარტამენტის უფროსი.

სატენდერო კომისიის აპარატის შემადგენლობა:

მარიამ ბოჭორიშვილი - სატენდერო კომისიის აპარატის წევრი, სსიპ საქართველოს მუნიციპალური განვითარების ფონდის შესყიდვების დეპარტამენტის სპეციალისტი.

დღის წესრიგი:

სხვადასხვა კარტრიჯების სახელმწიფო შესყიდვის განხორციელების მიზნით, ელექტრონული ტენდერის ხელშეორედ გამოცხადება.

მოისმინეს სატენდერო კომისიის წევრების გამოსვლა:

ვინაიდან, სსიპ საქართველოს მუნიციპალური განვითარების ფონდის მიერ, 2022 წლის 09 ივნისს, სხვადასხვა კარტრიჯების სახელმწიფო შესყიდვის განხორციელების მიზნით გამოცხადებული SPA220001471 ელექტრონული ტენდერის პროცედურები შეწყდა, სსიპ საქართველოს მუნიციპალური განვითარების ფონდი ხელშეორედ აცხადებს სხვადასხვა კარტრიჯების სახელმწიფო შესყიდვის ელექტრონულ ტენდერს; ყველა სატენდერო პირობა რჩება უცვლელი.

სატენდერო კომისიის წევრებმა დაადგინეს:

1. შესყიდვის სავარაუდო ღირებულებად განისაზღვროს 50,000.00 ლარი, დღგ-ს ჩათვლით.
2. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის მე-2 პუნქტის თანახმად, სახელმწიფო შესყიდვა განხორციელდეს ელექტრონული ტენდერის საშუალებით, სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-3 მუხლის პირველი პუნქტის „ა“ ქვეპუნქტით გათვალისწინებული SPA აბრევიატურით და ელექტრონული ტენდერის ჩატარების შესახებ განცხადებისა

და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად განისაზღვროს არანაკლებ 7 (შვიდი) კალენდარული დღე.

3. შესყიდვის ობიექტის მიწოდების ვადები განსაზღვრულია სახელმწიფო შესყიდვის შესახებ შესაბამისი ხელშეკრულების გაფორმებიდან 2022 წლის 31 დეკემბრის ჩათვლით.

4. ვინაიდან, შესყიდვის ობიექტია სხვადასხვა კარტრიჯები, შესყიდვა უნდა განხორციელდეს CPV-30100000-ის ფარგლებში, CPV-30125100 კოდით.

5. წინადადების წარმოდგენა უნდა განხორციელდეს დამატებითი ღირებულების გადასახადის (დღგ) გათვალისწინებით, ხოლო შეთავაზების ფასის კლების ბიჯის ოდენობა განსაზღვრულია შესყიდვის სავარაუდო ღირებულების 1%-ის ოდენობით.

6. სხვადასხვა კარტრიჯების დასახელებისა და თავსებადობის ჩამონათვალი და მიწოდების პირობები მოცემულია სატენდერო დოკუმენტაციის დანართ N1-ში, რომელიც შემდგომში განისაზღვრება სახელმწიფო შესყიდვის შესახებ ხელშეკრულების განუყოფელ ნაწილად.

7. შესყიდვის ობიექტის თავისებურების გათვალისწინებით, სატენდერო დოკუმენტაციის დანართი N1-ით განსაზღვრულია შესყიდვის ობიექტის წარმოშობის ქვეყნის და მწარმოებელი ორგანიზაციის შესახებ ინფორმაციის წარმოდგენის ვალდებულება, ხოლო სატენდერო დოკუმენტაციის 2.7.1 პუნქტით კი განსაზღვრულია დანართი N1-ით გათვალისწინებულ კარტრიჯებზე (ფერადად ბეჭდვის პრინტერებისათვის), 1-დან მე-8 პოზიციის ჩათვლით და დანართი N1-ით გათვალისწინებულ კარტრიჯებზე (შავ-თეთრად ბეჭდვის პრინტერებისათვის), პირველი პოზიცია, პრეტენდენტის მიერ, მწარმოებლის ავტორიზაციის დამადასტურებელი დოკუმენტის (Manufacturer Authorization Form - MAF) წარმოდგენის ვალდებულება.

8. ფასწარმოქმნის ადეკვატურობის დამადასტურებელი დოკუმენტაციის წარმოდგენის ვალდებულება და ვადა განსაზღვრულია სატენდერო დოკუმენტაციის 4.1.1 და 4.1.2 პუნქტებით.

9. ანგარიშსწორების ზოგადი პირობები მოცემულია სატენდერო დოკუმენტაციის 7.2 და 7.3 პუნქტებში, ხოლო დეტალური პირობები მოცემულია ხელშეკრულების პროექტში, რომელიც წარმოადგენს სატენდერო დოკუმენტაციის განუყოფელ ნაწილს. ხელშეკრულების პროექტი მომზადებულია სსიპ საქართველოს მუნიციპალური განვითარების ფონდის მიერ სახელმწიფო შესყიდვის დროს გამოყენებული პირობების შესაბამისად და აღნიშნული პირობების ხელშეკრულებაში გათვალისწინებით, წარმატებით არის განხორციელებული მრავალი შესყიდვა.

10. შესყიდვის ობიექტის თავისებურების გათვალისწინებით, სატენდერო დოკუმენტაციით არ მოითხოვება ინფორმაცია პრეტენდენტისა და პრეტენდენტის პერსონალის გამოცდილების შესახებ, პრეტენდენტის მატერიალურ-ტექნიკური ბაზის, პრეტენდენტის ფინანსური შესაძლებლობების შესახებ, არ მოითხოვება ინფორმაცია საგარანტიო პირობებთან დაკავშირებით, ასევე არ მოითხოვება სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა და შესყიდვის ობიექტის სავარაუდო ღირებულებიდან გამომდინარე, არ მოითხოვება ხელშეკრულების შესრულების უზრუნველყოფის საბანკო გარანტიის წარმოდგენა.

12. სატენდერო დოკუმენტაციის 2.9 პუნქტით დამატებით არის განსაზღვრული ინფორმაცია პრეტენდენტის მიერ ერთიანი ელექტრონული სისტემის მეშვეობით წარმოსადგენი დოკუმენტაციის შესახებ, სატენდერო წინადადების ფასის დაანგარიშების მეთოდი და დოკუმენტების წარმოდგენის ფორმატი. სატენდერო დოკუმენტაციის 10.1 პუნქტით განსაზღვრულია სატენდერო პირობების განმარტების მოთხოვნის პროცედურა. დეტალური მსჯელობის საფუძველზე არის განსაზღვრული სატენდერო დოკუმენტაციის ყველა პირობა, მათ შორის სატენდერო დოკუმენტაციით გათვალისწინებული დასაბუთებები, ტექნიკური დავალება და ტექნიკური დავალებით განსაზღვრული პირობები, ხელშეკრულების პროექტი, ანგარიშსწორების პირობები და ვადები.

სატენდერო კომისიის სხდომაზე დამსწრე პირთა ხელმოწერები:

ლევან შარვაძე

აღმასრულებელი დირექტორის მოადგილე CFO

დირექცია

დავით ტაბიძე

აღმასრულებელი დირექტორი


დირექცია



ზურაბ კოტორაშვილი

დეპარტამენტის უფროსი

ადმინისტრაციული დეპარტამენტი



მარიამ ბოჭორიშვილი



შესყიდვების სპეციალისტი

შესყიდვების დეპარტამენტი